

續
文
獻
通
考

續文獻通考卷之一百九十四

皇明進士雲間王圻纂輯

封建考 皇明同姓上

皇明

太祖既正大位大 詔天下云昔帝王之子居嫡長者必
正儲位其衆子當封 王爵分茅胙土 錫以其國
朕今有子十人即位之初已立長子某爲 皇太子諸
子之封本待報賞功臣之後然尊卑之分所宜早定於
是卜吉日廷冊 命王置相傳設官屬定禮儀列爵而
不臨民分土而不任事外鎮邊圉內控雄域猗歟盛哉
二百年以來無變制之虞有請祿之擾自 親王以至

之恩倍昔幾何國家經費之廣殆無以踰焉吏部侍郎
張治嘗撰封建譜有云班固所謂親親賢賢褒功表德
深根固本不可拔也我朝封諸王於國而政不與焉
其所謂親愛富貴仁至義盡者與

吳元年冬太祖念七子漸長宜習勞遂令內使制麻
履行滕凡出城稍遠馬行十七步十三洪武二年已
酉設宮相府是年令博士孔克仁授諸子經三年庚
戌夏四月封子美等凡十人爲王及其姪孫守謙爲靖
江王禮成遂告太廟宴群臣於奉天門文華殿因
諭廷臣曰朕非私其親乃遵古先哲王之制爲久安

長治之道廷臣對曰 陛下封建諸王以衛社稷天下
萬世之公議 太祖曰先王封建所以庇民周行之而
久遠秦廢之而速亡漢晉以來莫不皆然 戊子 詔
更定 皇太子 親王等封爵 冊寶之制 皇太子
親王俱授以金冊金寶 皇太子妃 王妃止授金
冊不用寶 皇太子嫡長子爲 皇太孫次嫡子并庶
子年十歲皆封 郡王授以塗金銀冊銀印 親王嫡
長子年十歲授以金冊金寶立爲 王世子次長子及
庶子年十歲皆封 郡王授以塗金銀冊銀印凡 王
世子必以嫡長如或以庶奪嫡輕則降爲庶人重則流
竄遠方若 王年三十正妃未有嫡子其庶止爲 郡

王待王與正妃年五十無嫡子始立庶長子爲王世子若王世子襲王反王世子并郡王娶妃郡王受封並郡王嫡長子襲封朝廷遣行人冊命之禮郡王子授鎮國將軍孫授輔國將軍曾孫授奉國將軍玄孫授鎮國中尉五世孫授奉國中尉六世孫以下授奉國中尉其有文武才能堪任用者宗人府具以名問考驗陞轉如常選法如或有犯宗人府取問明白具實奏聞輕則量罪降等重則黜爲庶人但明賞罰不加刑責著爲令

秦王奕太祖第二子生而岐嶷嚴毅英武年十五受封秦國西安二十三而之國上委以關西兵事得專行

嘗謂每歲秋巡邊大將皆受節制 王璽令居庸所過
秋竟無犯未嘗妄殺一人二十七年征西番遘疾卒年
四十謚愍子六長尚丙嗣凡十八年卒謚隱次尚列尚
昱尚育尚工尚介永樂十年坐罪降庶人安置泗州宣
德中赦還葬 愍王墓 隱王子四嫡子志亘永樂十
年嗣凡十三年卒謚僖無子庶兄志亘永樂二十二年
以 渭南王嗣凡三年卒謚懷無子弟志絜宣德三年
以 富平王嗣凡二十八年卒謚康長子公易天順二
年以 秦世子嗣凡二十九年卒 王好文驍族知禮
謚惠長子誠永成化四年以 鎮安王嗣凡十一年卒
王好書崇儉有禮謚簡無子以 臨潼子秉襲嗣凡

二年卒謚昭秉。數祖公名臨潼惠簡王父誠。采臨潼和
僖王也。公名康王之子。至是以孫貴追封。安王誠
采以子貴追封。莊王昭王三子長惟卓。正德四年
嗣已而王請。潼關以西鳳翔以東河壩地曰。皇祖以
賜臣先王。爽也。戶部尚書梁材執議曰。陝西外供三鎮
內給四王民困已極。視國初生產物力千萬不侔。豈得
空地更給諸王從之。詔不許。王事生母蕭氏孝謹
而守臣以聞。上遣敕旌之。嘉靖二十年進黃金千
兩白金萬兩。助建宗廟。詔歲加祿米二百石。玉帶

一

晉王岡

太祖第三子母

孝慈皇后

王聰明英銳眉

目秀聳美鬚髯顧盼有威容嘗學文於學士宋濂學書
於鉅事杜環年十三受封晉國太原又七年而之國未
幾以罪廢懿文太子調護得還三十一年春三月乙
未薨謚恭子濟喜嗣永樂初封其弟濟黃平陽王濟
玄慶成王濟喜子美圭封晉世子初濟黃狠戾失
愛憾其父兄憾濟喜不爲解嗾慶成諸王日譖濟喜
於朝又誘府中官校文織之得罪褫爵美圭亦廢爲
庶人濟黃遂嗣王益驕橫百方幽苦濟喜父子恭王
有老嫗不能平走訴成祖立詔獄中晉府承奉
左徵問之得其狀即釋徵令馳驛召濟喜父子時濟喜
囚空室中已十年先是濟黃亦構誣左徵佐濟喜逆逮

治京師府中因言徵父死及至一府大驚徵入空室
解濟喜縲紲相抱持大慟濟黃自是怨望出悖語濟喜
父子見上行在濟喜病憊甚上見之惻然不直濟
黃遂封美圭爲平陽王俾奉父居平陽恭王故有
田在連伯灘成祖以與美圭濟黃奪之美圭以聞
仁宗再三諭濟黃還美圭不從美圭言連伯灘地隸
平陽不隸太原因及曩誣構事仁宗遣人視灘果隸
平陽又書諭濟黃美圭父子困頓累年詩曰鵲鴿在
原兄弟急難每用吟咏感念無已緬維賢弟同我此心
亦書諭美圭朕諭晉王讓汝田兄弟叔姪本同一氣
姪事叔益恭愛父當憐汝濟黃得書又聞朝廷賜濟

喜王冠服遂廣致妖巫府中造呪詛事 仁宗崩又不
服喪 宣宗即位憐濟喜父子時常問勞濟喜呪詛事
益露踪跡自度罪不可解遣人結高煦謀不軌日夜造
兵器 寧化王濟輿告變 上曰勿洩濟輿反側不自安其所遣
喜交通書 上又曰勿洩濟輿益反側不自安其所遣
詣高煦人又走京師首服內使劉信又奏濟輿擅取屯
糧十萬餘石納護軍欲反應高煦并呪詛事 寧化王
又言濟輿毒殺其母濟輿懼始辭王爵及護衛不聽
上遣 敕召入京示以諸狀濟輿伏地請死 上書
諭諸王去歲高煦反罪人旣得奸黨人皆言趙晉二王
實預謀朕未忍信今晉府人累上告變徐察之有驗不

誣趙王自知事不可掩已護衛濟黃得罪 宗社不敢
以私情廢大義謹遵 祖訓免爲庶人屏之鳳陽誅其
同謀及妖巫數人遂復濟喜晉王卒謚定美圭正統初
嗣王卒謚憲子鍾玄嗣卒謚莊

按晉王第三子慶成王生一百子俱長成自封長子餘
九十九人並封鎮國將軍每會紫玉盈座至不識面人
皆龍準此古今極異事也

燕王即 成祖皇帝乃 太祖第四子

周王肅 太祖第五子母 孝慈皇后 王育子孫貴妃

妃卒服以慈母斬袞三年主喪事受封吳國錢塘已而
上謂浙江財賦地 詔工部尚書張允吳府且勿建

十一年改開封國號周即宋故宫爲府建文中有告王
反逮京竄雲南諸子並別流尋召還南京靖難兵入首
復其爵增祿五千石尋以開封圯河水建邸洛陽未幾
又還開封封其長子有敦爲周世子次有動汝南
王有旦順陽王有爵祥符王有喜新安王有光
寧王有扁汝陽王有廣鎮平王有弗宜陽王
永樂八年請祀太祖上書諭支子不得祭太祖
王國祀始封之君不許又有告王不靖上遣都御
史王彰諭意王大懼遂還護衛洪熙初加祿五千
石通前共二萬石卒諡定有敦嗣卒諡憲無子弟祥
符王有善嗣景泰三年卒諡簡子后嗣卒諡靖無子弟

通許王子防嗣卒謚懿子同庶嗣卒謚惠子 安橫世

子早卒以其子睦審嗣贈 周悼王 審卒謚恭 世子

勤息早卒世孫朝岡嘉靖十八年嗣

楚王真 太祖第六子母 昭敬元妃胡氏至是受封楚

國洪武九年冬十月丁卯之國 王天資英睿 太祖

鍾愛之 王銳情經史嘗錄 御註洪範及大寶箴于

座右以時玩警建文庚辰卒謚昭孟完以世子嗣天性

孝友小心畏義以故靖難初不被譴責所著樂善堂記

求放心論無妄齋說等篇以自省覽正統四年卒謚莊

子季兒以 武陵王嗣卒謚憲無子季叔嗣卒謚康無

子成化元年冊 東安恭定王之子勻屯爲楚王弘治

戊申冊其子榮誠爲世子正德初王卒謚靖榮誠嗣
卒謚端子男三長顯容嗣嘉靖乙巳正月辛亥子英耀
弑父顯容獄具上命公朱希忠祭告祖廟斬于市
焚屍揚灰同謀者劓于藩書諭各王府次子英
嗣

齊王專太祖第七子國青州嘗兩奉敕出開平備胡
建文初告王叛召至京廢爲庶人與周王皆繫禁
靖難兵入二王大喜曰吾屬幸不死矣出之復其封尋
封其子賢茂樂安王賢友長山王賢寮平原王
尋之國驕縱上賜書諭飭來朝又面諭曰無忘
患難時也王益懼遂陰結無賴刺客及僭帝號呪詛

魔鎮等事又用護衛兵守青州府城北門自廣智門外
接園苑築牆截往來守吏不得登城夜巡有軍人李珙
曾名深等告變上匿之詔索珙且諭專悔過未
幾入朝廷臣交章論劾專屬聲曰奸臣又欲喋喋效
建文時殺我耶會當盡斫此輩上不悅遂留專罷護
衛誅指揮柴直等斥諸府容盡釋所繫囚及諸造不法
器械廷議請誅教授葉垣等上曰專竟暴縱恣性
習使然朕與王君臣兄弟出之圉園寵以爵祿恩禮渥
洽誠心溫詞開諭至六七不悛教授輩如王何況垣等
先發其事可勿論專益出怨言遂召其子至京並奪爵
宣德三年專及賢是三子暴平景泰五年夏五月敕

南京中傅將齊庶人置廬州者移置南京慎防之時齊庶人賢赫專少子也尚幼會各庶人絕而齊庶人得其第居焉嘉靖十三年釋高牆庶人長輕即專曾孫云

潭王辛 太祖第八子母 達定妃至是纔二歲受封潭

國長沙十五年之國 王聰敏嗜學善屬文嘗召府中儒臣設醴賦詩爲高下出邸中皆爲賞洪武二十三年以妃家坐事 王不自安 太祖遣使 諭慰且召見

王大懼與妃俱自焚死無子國除

趙王已 太祖第九子洪武二年生是年受封趙封之日

秦晉燕周楚五王升殿受 冊寶 齊潭趙魯四王

幼內宮保抱四王就位受 冊寶又明年已卒

歷觀諸籍則我太祖實生二十七子而趙王也王子南俱錫故不傳但王於庚戌一歲受封踰年卒則詔書云十子當有趙王也因其未就國故逸之而後人遂以蜀王補焉者蜀王則洪武四年始生也王祿代封諸王詔亦有第九子已爲趙王第十子璽爲魯王云

魯王璽太祖第十子母郭妃陽信公女王生兩月而封魯國兗州王幼聰慧好文學善詩歌年十五之國常愛服金石藥致毒傷目一十二年閏十二月庚戌卒諡荒冊曰朕惟有天下者必封建諸子藩屏帝室所望恪守彝訓永終大年而或有不如意者豈

足慰朕心爾曾教自孩提期于成立及年旣長遂錫魯
封夫何之國以來比暱匪人怠於政事嘗屈法伸恩冀
省厥咎乃復不知愛身之道以致夭折生封死謚古典
昭然嗚呼父子天性也謚法公議也朕於爾親雖父子
詎得以私恩廢公義今特謚爾曰荒昭示冥漠用示方
來子肇軍永樂元年嗣宣德九年卒謚靖子泰甚成化
三年嗣九年卒謚惠子陽壽成化十二年嗣嘉靖十二
年卒謚莊世子當從早卒十三年以孫觀定嗣王

靖江王守謙

太祖姪孫也文正之子兄南昌王之嫡

孫初南昌王早逝文正偕母王氏出避亂與太祖
失至正甲午聞太祖起濠子母來歸太祖撫文正

甚愛之比長爲擇師文正遂涉傳記長材畧隨渡江定
建康擢樞密院同知辛丑改樞密爲大都督府 命爲
大都督節制中外諸軍事壬寅夏四月徐達再定南昌
太祖曰南昌非骨肉重臣莫能治之五月受 命統
元帥趙德勝薛顯同叅政鄧愈往鎮南昌特選儒士郭
子章劉仲服爲叅謀文正居守號令嚴飭遠邇震服諸
寨頭目皆招致之止誅其好訟者數人已而有降復叛
者盡繫赴京 太祖曰此等心持兩端不殺何待盡縛
而沉諸江境內肅然癸卯夏陳友諒大舉圍南昌甚危
文正率諸將備禦尤整友諒兵數臨城幾破文正不爲
動守益力八月友諒死文正仍守南昌乃專任掾吏衛

達可等爲心腹達可儉邪人也誘引非道文正日即荒淫每探奪人美女子入內旣盈其欲輒投之井不欲更爲他人所狎往往殺人甚衆 朝使至厚遺之以故不聞時江西新按察使李飲水僉事凌說廉其實劾奏之文正懼謀叛降張士誠 太祖大驚曰嘆此子不才非吾自行不可即日登舟抵南昌迫城下文正倉卒謁上泣曰汝爲何輒起此意遂載與俱歸群臣請伏法太祖曰吾兄惟此兒乃按其狀得郭子章劉仲衛達可等不法誅之 高皇后進曰文正自過江以來克太平破也先取建康累立戰功令守江西克陳氏亦有智勇况骨肉親姪請宥之 太祖曰 后言是也釋之免其

官安置桐城尋命往荊州築城竣事還畿欲用之文
正又出不遜語太祖欲廢之高皇后又進曰文正
止是性剛恐無此心文正母見存當念其母子之情曲
赦之太祖從之命往濠州墓祭夜與從者嘖嘖有
異志從者以告太祖遂廢之乃召其子鐵柱語之曰
兒無恐爾父違訓教忘艱難恣覓狡貽我憂我育汝長
且封汝我終不以汝父廢汝未幾文正卒至是封爲
靖江王國桂林更名韋尋改今名無何亦以淫虐廢爲
庶人使田鳳陽七年復其王益貪暴不法召入京尋
之洪武二十五年卒子贊儀尚幼太祖封爲世子
京比長恭慎好學能書三十年春受命省晉燕周

楚齊蜀代肅遼慶谷秦諸王先自湘入蜀歷陝西出河
南上山西抵大同宣府北平東至太寧遼東轉於山東
擇文武忠厚之士以從 上念贊儀年幼欲其知親親
之義且令涉山川險易也永樂中之國卒謚悼僖子佐
敬嗣卒謚莊簡子相承嗣卒謚悼順子規嗣卒謚昭和
子紇獻嗣卒謚 子經扶嗣卒謚安肅子邦寧嘉靖
六年嗣

蜀王春 太祖第十一子洪武十一年戊午封爲 蜀王
國成都 王冊 郭惠妃滁陽王女也 王生於洪武
四年最有賢德沉志學問經藝博洽旁及釋典 太祖
鍾愛之嘗呼爲蜀秀才云乙丑冬受 命閱武于中都

比至首闢西堂以讀書自娛每暇即召儒士探討經史
商確異同沉潜殆忘寢食時翰林編修李叔荆掌中都
國子監事大被親寵明年揭忠孝爲藩四大字以自警
又三年四月召名僧來復入講嘗自爲四箴曰正心曰
觀道曰崇本曰敬賢命復爲記又明年戊辰春建寶訓
堂上殺之西奉 祖訓錄于中先代帝王大經大典咸
列于左亦令復記之召蘇伯衡李叔荆入西堂講道論
文至無虛日又延師儒以教庠衛百官子弟之俊秀者
俾有成立 太祖聞而益愛之三十二年己巳春召還
其年遂之國首賓致方孝孺教 世子永樂三年來朝
二十一年卒諡獻字六長悅兼次悅翟悅尊悅斤悅邵

悅希悅兼早逝謚悼莊子友育嫡孫也永樂二十二年
嗣初友育爲世孫叔華陽王悅翟謀奪適獻王
怒斥去不悛益怨誣友育聞于朝召二人叔姪自明
比至成祖崩仁宗察其誣友育遂得之國未幾悅
翟又走京誣友育仁宗怒抵秦地下曰適庶大倫于
分誣親獨不畏鬼神乎謂侍臣曰悅翟虧忠孝懷奸讒
使歸蜀終亂其國徙武岡州又徙澧州宣德六年友育
卒謚靖無子七年弟友熏以羅江王嗣九年以風疾
卒謚僖無子叔悅邵宣德十年以保寧王嗣儉飭守
禮法天順五年卒謚和子友亥善草書天順七年以
世子嗣是年卒謚定子申支嗣成化七年卒謚懷無子

是年弟申猷以通江王嗣好學能文弘治六年卒謚
惠子賓翰嗣仁厚好儒術正德三年卒謚昭子讓羽嗣
嘉靖十五年守臣奏王忠孝賢良上特褒賞二十
年進黃金千兩白金萬兩助建宗廟詔歲加祿二
百石王帶一王受帶辭祿世子承禽嗣

湘王白太祖第十二子國荊州洪武四年八月生母

胡順妃豫章侯胡美女也王明敏好學能文章嘗開
景玄閣招延俊又編輯墳典尤善道家言自號紫虛子
臂力過人握弓矢刀槊馬上走如飛尤慕古兵法發談
輒有老將所不及者建文初或告王反朝廷遣使
即詔王王懼縱火焚宮奮身投火妃從之闔宮

皆死謚戾無子國除葬江陵西大暉山靖難後改謚獻

命學士解縉撰碑有遭讒害已從容就義不辱其身

不降其志之句云或曰王偽造寶鈔殘害殺人朝臣

其宮乘馬執弓躍入火中死

代王圭 太祖第十三子封為 豫王至二十四年改封

代王國大同鄭曉云母 妃武寧王女也或曰王母下邳人

太祖初起兵一日過其家已晚其母曰人言汝當為天子因留宿詰旦太祖解去母曰後有娠何為

太祖投以帨懷為識母亦出衾中裝以贈既而果娠遂生代王及太祖即位子且長矣母携子并議謁

太祖命工部別置外館居之不令入官至是封于代姑述以俟考云 王建文時廢為

庶人靖難後復之 王稍不自檢嘗與其子遜斗遜育

褻衣冠行市袖鍾斧傷人 上聞之貽書戒諭 王亦

悔正統十一年卒謚簡 世子遜崙早卒以其子仕廙
嗣十三年贈謚遜崙曰戾天順七年仕廙卒謚隱子成
東嗣弘治二年卒謚惠子聰未嗣尋坐不法革爵已又
不悛 孝宗曰稔惡不悛居喪酤酒荒淫不遵 祖訓
難居藩府遂降爲庶人并其宮眷安置山西省城十一
年卒謚思子俊文嗣嘉靖三年大同軍叛 王東走宣
府 上遣光祿卿蕭淮問 王六年卒謚懿九年子克
翟嗣請郡王庶子祿禮部言郡王庶子無長兄得嗣郡
王者不復得支將軍祿長孫亦如之不許十一年大同
軍又叛 王亦東走宣府 上又遣官問
鄭曉云王父子再遭禍變忠慎自檢得不爲諸逆染蠱

嘉靖二十五年將軍克勾等為惡少從吏誘虜酋小王子入寇大同王自徑被屍

肅王英

太祖第十四子初封漢王至二十四年改封

肅王國其州建文初徙蘭縣永樂十七年卒謚莊

庶長子瞻

自二十二年嗣洪熙初增祿五百石宣德初

又請祿宣宗曰朕遵祖訓不敢違遂寢天順八年

卒謚康子祿卑成化四年以洵陽王嗣十五年卒謚

簡子貢宗成化二十三年以汾川王嗣嘉靖十五年

卒謚恭子真弘治四年封世子嘉靖五年卒謚

安和次子弼北初封鎮國將軍嘉靖十一年改封

世孫十七年嗣贈其父曰靖隆慶四年十一月

肅府輔國將軍縉貴既理府事乃謀襲爵入賂內官陳

洪喉 延長王真竟代秦禮部尚書殷士儋以例却之
旨曰極邊重地須用 親王鎮之士儋復奏言條例
親王絕非親弟姪不得襲繡貴 懷王從父也而又
駕爲極邊 肅府昔封甘州誠爲極邊今徙蘭州則內
地矣即云邊郡但選 郡王之賢者以理府事自足扞
衛何必更張以徇私請而撓公典乎不聽

遼王直 太祖第十五子二十六年癸酉春封先是居廣
寧城有司以士馬未集官殿未建爲言 上命王駐節
大凌河未幾召還 京師己卯之國 王諱練邊務屢
樹奇功 上多所褒賞 王嘗撰忠孝爲藩詩多爲人
所稱述靖難後請封荊州從之仍稱遼王 崇二年之

國卒盛簡主事其間一子王肅王子靖王靖子
子 惠王肅子而好禮 惠王靖子 列聖所
賜 惠王肅子曰予聞諸張陽明御史局稱 惠王
賢而未有以記也乃閱光澤所修荆志讀之益知 王
所樹立及親 國史乃見 皇祖封建初意惓惓以守
邊爲 諭其慮深且遠矣嗣王徙封於荆委泰寧朶顏
毛憐三衛遂置廣寧爲孤注而山海獨石不相應援門
庭之寇鎖鑰之防胡可忽哉 惠王之後嗣者荒淫不
軌至隆慶初廢國遂除嘗閱國初諸 親王府皆 賜
有供祀樂戶遂盛立妓院至是 遼王憲節潘于妓每
潛行院中事多不法巡按邵光先以聞輔臣張居正與

遼王有隙遂遣刑部侍郎洪朝選就訊坐以淫酗憲
節錮高牆國除自是 諸王府皆廢妓院時隆慶初年
也

慶王 太祖第十六子國寧夏王母 余妃先二十四
年封慶陽至是徙韋州建文三年冬移寧夏小樂初許
歲一至韋州度暑宣德初上言寧夏卑濕水泉惡乞仍
居韋州不許許如永樂例未幾護衛人告 王反 上
致書 諭王小人誣叔祖置之法慎勿疑內臣馬安任
自寧夏歸言 王以謗故不自安 上又書 諭王五
年請入朝不許王遂請移家寧夏如永樂洪開得往來
韋州許之正統十三年卒謚靖子秩金嗣爵泰元年以

虜數入寧夏 王與其弟 安化王秩各上書乞徙內地不許又言冕服以紗製請易紵絲 上曰 祖制朕不敢易成化五年卒謚康子邃 繼成化七年以 平涼王嗣十五年卒謚懷弟邃 屏成化十七年以 岐陽王嗣弘治四年卒謚莊子寘 叔弘治七年以 洛交王嗣十年卒謚恭子台 弘治十六年嗣嘉靖初謀不軌

廷議請如 代王聰禾例徙四安不許降庶人留邸歲與米三百石已又不悛十一年巡撫都御史楊志學巡按御史毛鳳韶等奏 王怙終稔惡無復改圖殘虐家子衆叛親離及稱寧夏爲極邊要鎮往因台先之變深貽西顧之憂今 諸王構忿妄生事端以致驚疑人心

乞要將伊遷發用絕鴈階于是禮部侍郎夏言題乞北
照聰禾例遂及其官眷等二千人安置陝西城中言又
題稱台先雖經革爵迄今見存若預將伊于禽質冊
立爲王考之典禮既屬無稽揆之名分亦有未順乞照
代府長子俊丈例准封爲世子令其管理府事從之
十二年世子及懷王妃王氏乞恩留台先故邸禮
官執議不可十五年兩宮徽號恩詔許台先還邸仍
與官帶

寧王 太祖第十七子十四年封國王 王多智善
謀從 成祖起兵靖難及 成祖正大位因乞改南
王初欲得蘇州 成祖曰蘇州圻內不許又欲得杭州

成祖曰五弟初封錢塘爲吳王 皇考以爲不可改
開封建文無道封其弟允通爲吳王竟不克享建寧荆
州重慶東昌皆善地惟弟擇焉 寧王得書遂出飛旗
令有司治馳道 上大怒 王不自安屏衛兵五六老
中官走南昌稱病卧城樓乞封南昌從之即藩司爲府
第居焉人有告 王誹謗巫蠱 上書 諭敕之 王
乃稍自戢洪熙初又言江西非其封國請改封 仁宗
曰叔受封 先帝已二十餘年朕不敢違宣德初特大
父行往往恣橫請于 朝命三司官着朝服如 天子
儀入賀元旦長至千秋等節仍習儀鐵柱觀副使石璞
以聞 詔切責之時 廷議宗室將軍祿米視品 王

抗言宗室安得有品詞不遜適 漢府以叛誅 上厲

詞荅云將軍中尉有品 祖訓也 王不得棄 祖訓

肆煩說 王即不謹非獨群臣有言不已天下人心亦

不容已徒恃尊屬誣讟 朝廷典憲具存朕不敢庇尋

乞灌城田不許遂托志神仙正統十三年卒謚獻子五

人長盤式未嗣卒謚 莊惠世子次盤軍 臨川王以

罪廢爲庶人幽高墻盤兆 宜春主盤主 新昌王盤

美 信豐王景泰元年盤式子奠音以世孫嗣七年坐

事革護衛弘治四年卒謚靖子覲易嗣十年卒謚康子

宸濠嗣母出馬計兒故娼也正德中以叛誅國遂除

紙王便 太祖第十八子二十七年封 王與 湘王同

母生而英毅沉重有謀先是受封雲南建文時遣西平侯沐晟偵王過遂被譴流漳州靖難後召還復爵永樂二年改封武岡卒謚莊子徽夜立卒謚恭恭王子順王順王子簡王簡王子彥天嗣天資俊逸獵情經史尤善詩工畫

谷王惠太祖第十九子二十七年封國宣府鄭曉云王與蜀王同母即如意王是也建文初召入京坐罪廢爲庶人命守金川門靖難兵至庶人開門迎謁成祖正大位賜雅樂七奏衛士三百及金綺寶鈔鎗劒與馬增祿三百石徙封長沙茹璫過其國不朝被繫死有司以聞上心愈疑遣監察御史歐陽謙

偵伺之謙具以逆奏庶人懼自焚死國除

韓王公 太祖第二十子國開原永樂五年卒謚憲子冲

或永樂八年嗣二十二年改平涼正統五年卒謚恭子

範已正統七年以 開城王嗣九年卒謚懷弟範仰正

統十一年以 西鄉王嗣景泰元年卒謚靖子徵十景

泰元年以 高陵王嗣成化五年卒謚惠子偕克以

廣安王嗣十年卒謚悼弟偕鸞十二年以 彰化王嗣

弘治十四年卒謚康無子弟之子旭遷十七年以 通

渭王嗣嘉靖十三年卒謚昭子融遂十五年嗣請食鹽

食茶戶部言茶易戎馬鹽供邊餉不許世子謨典 鄭

端簡公曰 諸王惟韓土瘠祿薄人衆甚貧往往凌劫

有司平涼知府吳世良鄺珩任守德王松皆被窘辱旭
厄等百五十人至闡總制尚書吁至今日 諸王府祿
米奚啻一韓已耶

藩王 太祖第二十一子二十四年封國潞州 王母

趙貴妃永樂六年之國宣德六年卒諡簡子佶享八

年以 武鄉王嗣昇泰中 王父子與州官數置酒大

會巡撫朱鑑以聞有 旨凡諸王非時令 萬壽節不

得輒會飲酒著爲令天順元年卒諡康 王九子長天

次幼學天順三年嗣正德十三年卒諡莊子全正以

西陽王封世子嗣嘉靖六年卒諡恭無子第全永初封

靈川王卒諡恭懿以其長孫胤多十年嗣子恉交封

世子

安王 盤 太祖第二十二子洪武三十五年封國平涼永樂十五年卒謚惠無子國除仍留與仗校尉百人守國陵

唐王 瑄

太祖第二十三子洪武二十四年封國南陽

王母 李賢妃永樂六年之國十三年卒謚定子瓊瑄

永樂十九年嗣宣德元年卒謚靖無子弟瓊自三年嗣

成化十一年卒謚憲世子先卒次芝止十五年以舞

陽王嗣二十三年卒謚莊子彌帝以穎昌王嗣嘉靖

二年卒謚成無子文成王彌甘之子宇翌四年嗣贈

父曰恭二十一年王獻金千兩銀萬兩助建太廟

賜王帶一增祿二百石

郢王東 太祖第二十四子洪武二十四年封國安陸之

國六年卒諡靖無子國除 王母 劉惠妃

伊王曩 太祖第二十五子洪武二十一年受封國河南

永樂六年之國歲祿僅二千石卒諡厲子顯史嗣卒諡

簡子勉得正統八年以 上洛王嗣天順八年卒諡安

子諤成化二年嗣十一年卒諡悼無子弟諤享十二

年以 郟城王嗣正德三年卒諡定子訐弘治三年

封世子正德六年嗣嘉靖五年卒諡莊無子弟訐享六

年以 濟源王嗣訐享言祿薄 先朝乞得河南課鈔

五萬七千七百貫准祿米八年革 諸王乞稅租田湖

伊府課鈔亦在軍中乞補祿戶部言伊祿二千石通給本色 英宗加米五百石 憲宗又加麥一百五十石課鈔本成化弘治正德年請乞非永樂以前 欽賜比况河南一省 諸王缺祿八千餘萬石不許二十一年卒謚 子典英以世子嗣

南 太祖第二十六子在 諸王中最少洪武二十六年十二月生未逾月而卒

按金聲玉振載天潢玉牒云 太祖皇子二十四人第四子 今上第五子 周王 高后所生也長 懿文太子第二子 秦愍王第三子 晉恭王 諸母所生也第六子 楚王第七子 齊王第八子除名 潭王

第九子 魯荒王第十子 蜀王第十二子 代王第
十八子 谷王第二十二子 唐王第二十三子 郢
王第二十四子 伊王 皇妃所生也第十一子 湘
獻王第十三子 肅王第十九子 韓王第二十子
潘王 皇貴嬪所生也第十四子 遼王第十五子
慶王第十七子 岷王 皇貴人所生也第十六子
寧王第二十一子 安王 皇美人所生也載頗不同
姑記以俟考云

續文獻通考卷之一百九十四終

續文獻通考卷之一百九十五

皇明進士雲間王圻纂輯

封建考 皇明同姓下

太祖洪武戊寅

建文即位

夏閏五月十六日封

皇弟允通爲

吳王允

堅

爲衡王

允

熙

爲徐王又有

虞王者

懿文太子之長子也名雄

英

洪武十五年生五月朔卒

追封

虞王謚曰懷整鍾山

是年廢

周王

肅爲庶

人徙雲南時

諸王各擁重兵流言

諸王謀不利于

社稷又聞

燕府密協

周齊湘代岷起事

建文

一日御東角門

召齊泰黃子澄至有隱謀子澄首建

削奪議請如漢七國故事

建文惟二人爲聽又一日

朝罷召子澄入曰先生憶昔東角門之言乎子澄對
曰不敢忘也然事幾須密子澄退遂及齊泰謀之泰曰
燕王志不小且握重兵宜先子澄曰燕難猝圖宜
先周周削燕之手足剪矣上遂遣曹國公李景
隆調兵猝至河南圍之執周王及其世子宮眷等
至京削爲庶人遷之雲南遣代王王如蜀時蜀
王以賢聞代王貪虐不靖朝廷不忍違親方孝孺
請以德化導之遂有是命蓋使之相觀于蜀云閏
五月燕王入臨淮安而返初太祖大漸遺詔
諸王哭臨惟在本國毋得奔走又令王國所在吏
民軍士悉聽朝廷節制至是太祖崩朝廷遵

遺詔止 諸王 諸王皆怒 燕王至淮安齊泰言于

上遣使齊 勅符勒歸遂還燕 十月 燕府簡壯

士爲護衛

初太祖勅諸王得自選兵及是燕閭齊黃議加兵藩封又周王見執因以

自備

十二月

召齊王

專

入朝免爲庶人遂拘留之

已卯

建文元年

夏削

岷府護衛誅其指揮宗麟

岷王

性頗寬悖遂及西平侯構怨 朝廷降 勅切責之革

其護衛以麟導惡誅之 詔 王國所在惟國事聽

王其文武吏士聽 朝廷 王不得節制 九月朔監

察御史韓郁上疏云臣聞人主親其親然後不獨親其

親茲 陛下講之有素行之方篤而佐之無人以致激

變蓋 諸王以言其親則 太祖之遺體也以言其貴

則孝康之手足也以言其尊則陛下之叔父也彼雖可廢而太祖之遺體不可殘也親之手足不可缺叔父之恩不可虧也且使二帝在天之靈子孫身爲天子而使厥子厥弟遭殘戮是則其心何如哉臣每念至此未嘗不爲之流涕也此皆殘酷豎儒持一己偏見廢天下之大公或者病藩封之太重謀貶削之權衡疑之太過慮之太深所以流而至此也方周王不執之際進言則曰六國反叛漢帝未嘗不削也執法則曰三叔流言周公未嘗不誅也遂使周王父子流離播遷有甚于周公之誅管蔡者矣夫唇亡齒寒人人自危周王既竄湘王自焚代王被廢而齊臣又告

王反矣爲計者必曰兵不舉則禍必加是則朝廷
執政激之使然燕舉兵兩月矣前後調者不下五
十餘萬而一矢無獲謂之國有謀臣可乎將不効謀
士不效力徒使中原無辜赤子困于道路迫于轉輸民
不聊生日甚一日九重之慮無已出入帷幄預國
大事者方且洋洋自得若無事然由此觀之彼其助
陛下用削藩國者果何心哉諺曰親者割之而不斷
疎者續之而不堅殊有理也陛下誠不察此臣愚以
爲不待十年必有噬臍之悔矣伏望少垂洞鑒興滅繼
絕釋齊王之囚封湘王之墓還周王子京師迎
楚蜀爲周公俾其各命世子持書勸燕罷兵守

藩以慰 宗廟之靈明 詔天下撥亂反正篤厚親
親 宗社幸甚不報

前軍都督府左斷事高巍上書借漢爲喻略云漢高祖
提三尺劔滅無道秦大封同姓分王天下之半雖曰遠
慮然卒遺文景以不治之痼疾賈誼治安疏所謂股大
于腰指幾于股者也賴文帝含忍容之尚不免于斗粟
尺布之謚景帝雖寬厚然輔以晁錯之深刻遂挽六國
之禍非命將得人民心輔漢幾危社稷則錯不能辭其
責矣我 太祖高皇帝之起與漢高同而神武過之中
國既定體三代之良法擇形勝之要地封建 諸子陝
西百二山河其人驚悍西鄰土番故以 藩王之長

秦府王之山西表裏山河地產良馬而其人剛壯所
山西將者是也北近于胡虜故以 晉府王之 燕
雖無名山大川之限隔其南冀州真保大名等府所謂
桑土之野坦平肥沃供賦饒衍北雖沙漠不毛然廣畜
馬羊其人不耕不蚕皮衣肉食弓馬是務遼金殘元籍
之以興故以 燕府王之四川雖曰西南一隅山川阻
深劉備據之虎視吳魏故以 蜀府王之其餘 楚湘
齊兗寧遼代谷慶肅星羅棋布比之古制雖皆分封過
當然 太祖之意欲護中國而屏四夷也今各處 親
王多驕逸不法違犯 朝制不削則紀綱不立削之則
傷親親之恩有難處者賈誼曰欲天下治安莫若衆建

諸侯而少其力力少則易使以義國小則無邪心當今
之世以臣愚見不宜用晁錯削奪之策當行王父懷下
推恩之令 秦晉燕蜀子弟分王于齊充吳楚潭湘子
弟分王于 秦晉燕蜀其餘 寧遼代慶肅等府比類
而分王之以少其力而減其地如此則 藩王之權不
削而自弱矣臣又願 陛下益隆親親之禮歲時伏臘
使人饋問其賢如漢之河間東平者下 詔褒賞驕溢
不法如淮南濟川者初犯則容再犯則赦之三犯而不
改者當告 親王告 太廟削其地而廢處之豈有不
順服者哉夫天下亦猶夫人之身也昔賈誼見漢諸侯
彌盛故以脛腰指腹爲喻今臣則以一身百體爲譬

皇上乃天君一心也 諸藩封則五臟耳目鼻口暨手足也五臟酸甘嗜欲不同手足安逸亦異至如目好色耳好音紛紜不齊苟天君從百體之好則何以具衆理而宰萬物亦在乎制其撓吾心者而已醫書云智者能調五臟五臟既和不惟無腹心之疾雖疥癬亦無自生也噫五臟和而一身安一家和而天下安孟子曰言舉斯心加諸彼而已不報

按二疏則當時諸臣謀國之疎亦可槩見孰爲齊秦黃子澄方孝孺之死而盡非其罪也耶

洪武壬午夏六月己巳 成祖初政復 周王棣 齊

王專封爵 是年降吳王允通爲廣澤王居福建 衡王

九堅

爲懷恩王

居江西建昌

徐王允

熙

爲敷惠王

隨母太后居

呂

太子

永樂元年癸未夏

賜書戒

代王

主及

降

岷府官職事初

二王在建文時以不道譴至是

代王仍縱暴殺人取物

岷府所爲多不法擅拘諸司

印激變夷人故罪之

二年甲申春三月封次子高

煦

爲漢王三子高

遂

爲趙王

改

敷惠王允

熙

既寧王降

廣澤王允

通

懷恩王允

堅

爲庶人二

王不能諫
正建文也

詔曰帝王之道立愛惟親爲子不祗不及

于父

朕

皇考

皇妣咸有一德克享

天心創業

垂統傳之萬世朕

長兄

懿文皇太子降生弗永胤

子允

文

幼冲嗣位昏愚自暴顛覆成章崇信奸邪戕害

骨肉天下蕩然 社稷幾墜朕惟 祖宗積德之勤

父皇 母后創業之艱不得已起兵賴天之祐內難廓

清允文 罪惡貫盈闔宮赴火諸臣民同詞勸進朕以

宗社爲重勉徇輿情 君臨大寶長兄諸王允通允堅

仍襲王封不意允通允堅弗知省躬自生疑懟朕以長

兄至情不忍譴責免爲庶人以保全之朕痛切于心常

存念慮長兄未有承嗣其第四子允熙生有四年矣茲

特封歐寧王世守 懿文皇太子之嗣嗚呼協和之道

睦族爲先惇叙之仁繼 祖爲大用展同氣之情庶續

親親之義考吳庶人永樂十三年卒 英宗復辟出吳

庶人居鳳陽但有庶母姊妹老嬪五六人時 十四

年丙申春二月 谷王惠有罪徵入京免爲庶人 國

除初靖難兵起 王走還京及靖難兵渡江時 王守

金川門開門迎 駕 成祖正位寵賜甚優官其護衛

指揮僉事張興爲都督僉事儀衛正張成爲都指揮使

已而改封長沙在國驕橫時尚書茹瑺道長沙不朝見

被劾奏繫獄死 王益肆無忌造戰船弓弩器械招匿

亡命習兵戰陣日與張成及宦者吳智劉信等謀拜成

師尚父智信國老又僞作識書以爲識有十八云我

高皇十八子陰傳播惑衆又製巧燈上獻擇壯士入

朝架燈又選壯士習音樂與燈並進欲乘間爲變又奪

民田侵公稅殺無罪人時長史廬廷綱以強諫磔殺張

興懼禍及已因奏事北京白其狀 上未信興過南京

啓 太子曰臣冒死以聞 上顧不信臣言臣萬死願

殿下垂聽憶臣言他日得無連坐族臣臣死不朽

又遣劉信持所爲讖致書 蜀王爲隱語曰德蒼時不

可言桓文之事桓文時不可言德蒼之施欲結 蜀王

爲援 蜀王切責不聽已而 蜀王子 崇寧王悅

得罪于父校 惠惠 納悅 尊 因詭衆曰往年我開金川門

出建文君建文君今在我宮中我將舉事爲建文君復

辟事將發會 蜀王上變 成祖嘆曰朕待 惠 厚不

有此心 蜀王忠孝又不宜欺我張興爲我言我不忍

信今果然 命中官特 勅諭 惠 遣悅 尊 還蜀 惠 不意

使猝至不得已就徵十月至京入見 上出 蜀王疏

惠頓首伏罪請死時成國公朱勇都御史劉觀及諸大

臣 廷劾 惠曰周辟管蔡漢戮安長皆大義滅親 陛

下縱念 惠奈天憲何 成祖曰 惠朕弟朕且令諸兄弟

議明年正月 楚王 貞等各上議曰 惠違 祖訓謀爲

不軌踪跡甚著大逆無道罪誅不赦 成祖曰 諸王

奉大議 國法固爾吾寧生 惠二月削 惠及其二子賦

勺賦 倫爵爲庶人誅諸通謀者興以先發庶人罪狀得

免至景泰五年徙谷庶人賦 欣安置南京不再傳亦絕

其居第并干齊庶人云 二十二年冬十月封 次子

瞻 炎等八人爲王初瞻 良永樂十九年卒葬西山至是

贈斬王

郭王瞻

成祖第二子母李貴妃國鳳翔正統八年

往懷慶成化二年卒謚靖子初

英

弘治八年卒謚簡先

是世子見

茲

卒以子祐

公

封世子尋嗣王贈父曰僖節

公正德二年卒謚康無嗣見

茲

弟

東坦端惠王見

子祐

畢

嗣王贈父曰定祐

畢

十六年卒謚懿子厚

完嘉

靖六年嗣世宗南狩王出迓詔歲加米三百石

後以諫事玄削爵錮高墻隆慶元年復國加祿米四百

石

越王瞻

庸

成祖第三子受封越王未之國卒謚靖葬西

山

襄王瞻善

成祖第四子母

仁皇后國長沙宣德四年

之國正統元年徙襄陽巳巳之變王上章聖烈慈

壽皇太后請發府庫募勇敢圖恢復以鞏宗社後

英宗于宮中檢得其疏召王入朝相見甚歡宴便

殿王避席請曰臣過汴汴父老遮道言按察使王槩

賢被誣詔獄臣途中詢槩人咸謂槩冤願皇上加

察上立命法司雪槩陞辭上送至午門王伏地

若有請上曰叔父欲何言王頓首曰萬方望治如

饑渴願皇上省刑薄斂上拱手謝曰謹受教四年

又入朝上為峴山漢水賦襄陽四景歌賜之成化

戊戌卒年七十三謚憲子祁庸嗣弘治元年卒謚定子

見叔嗣明年卒謚簡子祐才嗣十七年卒謚懷無子弟

祐質以光化王嗣

荆王瞻岡成祖第五子母張順妃國建昌宣德四年

之國正統四年徙蘄州王天資秀敏嗜學每遇朝

廷大慶必祇愼肅恭初無倦容尤善屬文景泰四年卒

謚憲子祁高嗣天順五年卒謚靖子見庸嗣弘治五年

坐不法命太監蕭敬駙馬都尉蔡震都御史戴珊

召王至遂并其長子祐丙降庶人安置武昌見蕭弟見

專成化二年封都梁王十三年卒謚悼惠子祐間弘

治七年以都梁王嗣十七年卒謚和子厚全嗣

淮王瞻奧成祖第六子母李賢妃國韶州正統元年

徙饒州十一年卒謚靖子祁全嗣尋卒謚康世子見廉

早卒以弟清江王見殿子祐啓嗣嘉靖三年卒謚定無

嗣弟鎮國將軍祐癸四年嗣十六年卒子厚壽嗣

滕王瞻端成祖第七子母郭貴妃年十七卒于京謚

懷塋西山

梁王瞻自成祖第八子母恭肅郭貴妃國安陸宣德

四年之國正統六年卒謚莊無子國除

衛王瞻延成祖第九子封惠王未之國正統三年卒

謚恭無子國除

郕王祁玉宣宗弟宣德十年乙卯春正月封正統十四

年秋七月以郕王居守後卽位是爲景皇帝

天順元年春三月六日封 次子見葬等四人爲王歲祿各本色米萬石

德王見葬

英宗第二子國德州尋改濟南成化丙戌之

國乙巳以南旺湖請 詔以漕渠故不許正德戊寅卒

謚莊子祐容正德辛巳嗣嘉靖庚子卒謚懿子厚敦巳

封世子卒謚懷順子載若嗣追贈父厚敦曰懷景泰元

年五月丁未遣正使都督張軌副使吏部尚書何文淵

持 節封 裕陵第二子見青爲榮王 鄭端簡曉曰

卽德王也但又二名未詳

秀王見對

英宗第五子母 高淑妃景泰三年生于南

城成化二年封 秀王國汝寧時左長史劉誠獻千秋

日鑒錄 王閱之大喜比就封在途久民以爲病左長史言之卽令趣行抵國 王所居隘一窻豎言先師廟廣請移居之不聽卒謚懷聖西山無子國除

崇王見

畢

英宗第六子國汝寧成化十年之國弘治八

年秋七月傳 旨 祖母聖慈仁壽太皇太后年高念

叔崇王欲得一見便寫 勅差官取來時禮部尚書倪

岳上疏云今日之事有未便者三近聞黃河泛漲水高

于岸平日波流湍急舟行已難加以泛漲洶湧必異常

時 王欲來朝乃舟楫必經之地驚震之患所不能無

保護之責誰敢當之此其未便者一也河南彰德衛輝

二府自春徂夏一雨不霑寸草不生赤地千里人民流

動殆三之二夫馬艱窘不言可知 王欲來朝乃車馬
必經之地不獨供億之費無所給萬一盜賊乘時竊發
震驚之患所不能無保護之責誰敢當之此其未便者
二也二年之間 三王之國近自京師之軍民遠而所
過之郡縣百倍供需十分騷擾官無所措手民不能聊
生言之可爲寒心見者欲爲流涕今若加以 崇王來
朝先聲所及人心驚疑送往迎來勞費倍增瘡痍之民
何以當此此其未便者三也又云奉 命來朝雖少遂
一時欲見之心然欲別則難免眷戀不捨之情旣去必
倍增憂思不忘之念他日上厯 聖慮所未敢言雖欲
悔之殆無及矣奉 旨卿說的是但朕承順 聖祖母

之意已有 旨既而下 制曰免 王來乙丑卒謚簡

長子祐寧嗣正德辛未卒謚靖長子厚翟嗣嘉靖丁酉

卒謚恭長子載竟嗣時 王乞修府下巡撫議費銀八

萬七千兩工部言 親王修府例役護衛儀牧人不得

輒勞民 上不允十九年 王請父 恭王墓表禮部

言 韓府襄陵莊穆王卒 憲宗嘗允其子範請令詞

臣譔銘刻石 崇王曾祖皆嘗賜墓表請如 王奏

上諭之曰 宗室薨逝給墳誌此 祖宗典制安得有

賜表事 襄陵王立石已非例 韓崇兩王表墓皆

先朝誤恩後有 王家乞請禮部宜考 累朝體例

議覆

吉王見

熒

英宗第七子景泰丙子生有異質

學

慈懿皇太后尤鍾愛之國長沙成化乙未出就

嘉靖丁亥卒年七十二謚簡子祐

夫

弘治四年封

常

山王尋進封世子明年卒謚悼莊長子厚

冒封

吉世

孫嘉靖己丑嗣十年贈父曰悼明年乞長沙府湘潭商

稅不許卒謚定長子載

勻十九年嗣

許王見

享

英宗第四子母

王惠妃景泰初封

許王

未之國三年冬十一月卒于京薨西山國除

忻王見

台

英宗第八子母

宸妃

某

天順二年生九歲

封 忻王七年卒于京薨西山國除

徽王見

市

英宗第九子

常妃生天順年封徽弘治年

卒謚莊傳至載令削爵錮鳳陽

興王祐 憲宗第二子先封爲 興王國安陸弘治七年

始就封生子一後卽 位是爲 世宗追上 興王徽

號曰 睿宗

岐王祐倫 憲宗第四子封爲 岐王國德安旣就國弘

治中請迎養母不許 詔諸王有子別居者得迎養其

母母有子多亦從一子無子者移別宮著爲令 王尋

卒謚惠無子國除

益王祐賓 憲宗第五子封 益王國建昌母 張德妃

嘉靖十八年卒謚 子四長厚華 正德四年封世子後

嗣王

雍王祐

雲

憲宗第八子封爲

雍王國衡州弘治四年

之國正德二年卒諡靖無子國除母 孝惠太后生三

子興王及 雍岐二王也

壽王祐

耆

憲宗第九子封爲

壽王初國保寧正德元

年徙德安嘉靖年卒諡定無子國除

汝王祐

亨

憲宗第十子封爲

汝王國衛輝弘治十四

年之國嘉靖十八年 車駕南巡 王出迎于途甚恭

上喜加歲祿五百石

賜金幣嘉靖末卒無子國除

涇王祐

殿

憲宗第十一子封爲

涇王國沂州母 楊

恭妃弘治十五年之國卒諡 子厚

全

嗣未幾卒無子

國除長史沈湊以 王卒故得南京鴻臚少卿

榮王祐

國

憲宗第十二子封爲

榮王國常德弘治四

年封

王生而英悟博藝善文嘉靖五年

御題崇議額

賜之

王益謹慎十八年卒謚莊子六長厚

勲正德

中封世子早卒謚懷穆子載

謹

嘉靖十八年嗣追贈父

曰懷

申王祐

皆

憲宗第十三子封爲

申王與 涇王同母

五歲受封四川之叙州尋卒謚懿無子國除

衡王祐

軍

憲宗第十六子封爲

衡王國青州尋卒謚

恭

蔚王厚

帝

孝宗第三子母

孝康皇后

王早夭謚悼

塋西山

岳王厚

鳳

睿宗長子母

章聖皇太后弘治十三年六

月生五日而卒嘉靖丁亥十一月壬寅贈

岳王謚

懷惠在承天

上命大學士楊一清撰碑文有曰王

生而月華呈瑞五日大風揚沙人甚異之而王薨

裕王御名

世宗第二子嘉靖十八年己亥春二月朔封

四十五年登極

景王載

川

世宗第三子辛酉之國德安乙丑春正月薨

謚恭無子國除長史以下皆奪職

路王

期

穆宗第二子封潞王萬曆二十一年之國衛輝

福王

今上第三子

瑞王

今上第五子

惠王 今上第六子

桂王 今上第七子

已上俱萬曆二十九年九月二十二日封